

四庫全書

子部

欽定四庫全書

子部

御定書畫譜卷二十五

六

詳校官中書

臣孫衡

助教臣常衡覆勘

覆校官中書

臣田尹衡

校對官中書

臣朱炘

膳錄監生

臣曹錫爵

膳錄監生

臣伍士鵬

崔亮

張黎

谷渾

沈含馨

盧魯元

黎廣

江強

江式

江順和

屈恒

高遵

盧伯源

崔挺

游明根

劉芳

劉懋

郭祚

沈法會

李思穆

柳僧習

夏侯道遷

庾道

王世弼

王由

蔣少游

李苗

曹世表

裴敬憲

呂溫

沈嵩

竇遵

柳楷

孫伯禮

劉仁之

宇文忠之

沈馥

李思弼

釋摩羅

釋菩提流支

李氏

李彪女

北齊

杜弼

李鉉

張景仁

姚元標

韓毅

袁買奴

李超

李繪

趙彥深

劉逖

崔季舒

蕭慨

源楷

賈德曹

顏之推

劉珉

劉玄平

李元護

元行恭

殷英童

姚淑

王思誠

釋仙

釋道常

魏夫人

周

龔雋

趙文深

黎景熙

沈遐

泉元禮

王褒

庾信

蕭撝

薛溫

薛慎

柳弘

裴漢

單于斯彥

隋

楊素

虞世基

虞綽

虞昌衡

薛道衡

趙孝逸

趙仲將

劉顗



房彥謙

蔡徵

袁憲

閻毗

蔡君知

竇慶

竇璡

殷胄

丁道護

丁道真

史陵

梁恭之

龐叟

韋需

杜頤

到曼才

侯孝真

魏瑗

賀混

吳少常

釋智果

釋述

釋特

釋敬脫

釋知苑



欽定四庫全書

御定佩文齋書畫譜卷二十五

書家傳四

魏

崔宏

崔宏字玄伯清河東武城人祖悅父潛並以才學稱宏  
少有雋才號冀州神童仕慕容垂為高陽內史明元時  
拜天部大人進爵白馬公贈司空謚文貞

北史本傳

宏祖悅與盧謨博藝齊名世不替業故魏初重崔盧之書宏自非朝廷文誥四方書檄初不妄染故世無遺文尤善草隸為世模楷行狎特盡精巧而不見遺蹟

北史

崔浩傳

崔浩

崔浩字伯源宏子也博覽經史明識天文好觀星變常置金銀銅鋌於酢器中令青夜有所見即以鋌畫紙作字以紀官至司徒總百揆浩工書人多託寫急就章從

少至老初不憚勞所書蓋以百數浩書體勢及其先人而巧妙不如也世寶其迹多裁割綴連以為模楷

北史

本傳

### 崔簡

崔簡字仲亮一名覽浩弟好學少以善書知名道武初歷中書侍郎爵五等侯參著作事

北史崔浩傳

### 崔衡

崔衡字伯玉清河人學崔浩書頗亦類焉天安元年擢

為內秘書中散班下詔命及所御覽書多其蹟也後除  
秦州刺史徙爵齊郡公謚惠

北史崔浩傳

崔光

崔光清河人本名孝伯字長仁孝文賜名焉家貧好學  
晝耕夜誦傭書以養父母明帝時遷車騎大將軍儀同  
三司封平恩縣侯光表定石經令國子博士李郁助教  
韓神固劉燮等勘校殘闕計料石功并字多少欲修補  
之後寢贈太傅謚文宣

北史本傳

崔高客

崔高客清河人博學善文札美風流景明初拜散騎侍

郎出為揚州開府掾帶陳留太守

魏書裴叔業傳

崔亮

崔亮字敬儒清河東武城人內徙為平齊人居貧傭書

自業明帝時至尚書僕射贈儀同三司謚貞烈

北史本

傳

張黎



張黎鴈門平原人也善書計官太尉

北史本傳

谷渾

谷渾字元冲昌黎人也道武時以善隸書為內侍左右

太武時累遷侍中儀曹尚書賜爵濮陽公謚文宣

北史

本傳

沈含馨

沈含馨

魏人

洛陽宮殿門題多是大篆皇都遷洛始令中

書舍人沈含馨以隸書書之

水經注

盧魯元

盧魯元昌黎徒河人也太武時以工書有文才累遷中書監賜爵襄城公後遷太保錄尚書事贈襄城王謚曰

孝

北史本傳

魯元善正隸書

書小史

黎廣

黎廣景熙從祖河間鄭人太武時尚書郎善古學常從吏部尚書清河崔宏受字義又從司徒崔浩學楷篆自

是世傳其法

北史黎景熙傳

江強

江強字文威陳留濟陽人也上書三十餘法各有體例

江式論書表云奉獻五世傳掌之書古篆八體之法拜中書博士卒贈燉煌太守  
北史江式傳

江式

江式字法安

強之孫

少專家學篆體尤工洛京宮殿諸門

板題皆式書也延昌中表請撰集古今文字四十卷大

體依許氏說文為本上篆下隸正光中兼著作郎贈巴

州刺史

北史本傳

江順和

江順和式兄子官征虜將軍亦工篆書

北史江式傳

屈恒

屈恒字長生昌黎徒河人也少纂家業尤善書計賜爵

濟北公恭宗在東宮領太子少傅贈征西大將軍謚成

公

魏書本傳

高遵

高遵字世禮允從弟也渤海脩人涉歷文史頗有筆札  
詣長安刊燕宣王廟碑進爵安昌子孝文時為齊州刺

史

北史高允傳

盧伯源

魏書作盧淵字伯源北史避唐祖諱故稱其字書小史作兩人誤

盧伯源小字陽烏范陽涿人也景明初卒於祕書監贈  
幽州刺史復本爵固安伯謚曰懿六世祖謚法鍾繇書  
子孫傳業伯源習家法代京宮殿皆其所題

北史盧玄

傳

崔挺

崔挺字雙根博陵安平人也以工書受勅於長安書文  
明太后父燕宣王碑爵泰昌子為光州刺史風化大行

謚曰景

北史本傳

游明根

游明根字志遠廣平任人也幼為奴牧羊以漿壺倩人  
書字路邊書地學之游雅贖之教書薦之太武為中書

學生獻文時封新泰侯後遷大鴻臚贈光祿大夫謚靖

侯

北史本傳

劉芳

劉芳字伯支

魏書作  
伯文

彭城叢亭里人篤志文典傭書自

資常為諸僧傭寫經論筆迹稱善卷直一縑歲中能入  
百餘匹芳博聞強記兼覽蒼雅漢世造三字石經於太  
學學者文字不正多往質焉時號劉石經官至太常卿  
撰急就篇續注音義證三卷贈徐州刺史謚文貞侯

北

史本傳

劉懋

劉懋字仲華芳從子聰敏好學博綜經史善草隸書識  
奇字官太尉司馬謚宣簡

北史本傳

郭祚

郭祚字季祐太原晉陽人涉歷經史習崔浩之書尺牘  
文章見稱於世宣武末年遷左僕射贈儀同三司謚文

貞

北史本傳



祚尤善行書

書小史

沈法會

沈法會兗州人能隸書宣武在東宮勅法會侍書

北史

江式傳

李思穆

李思穆字叔仁父抗自涼州渡江左仕宋思穆有度量

善談論工草隸為當時所談太和十七年歸魏爵樂平

伯卒於營州刺史贈安東將軍華州刺史

北史李延壽

叙傳

柳僧習

按北史柳僧習附見其子柳蚪傳書史會要因誤作蚪今正之

柳僧習河東

北史有解字

人善隸書肅宗時為潁川太守魏

書裴叔業傳

夏侯道遷

夏侯道遷譙國人也封濮陽縣侯歷覽書史閑習尺牘

歷華瀛二州刺史為政清嚴贈雍州刺史謚明侯

北史

本傳

庾道

魏書  
作導

庾道潁川人亦與道遷俱入國歷覽史傳善草隸書後

為饒陽縣令

北史夏侯道遷傳

王世弼

王世弼京兆霸城人也善草隸書好愛墳典封慎縣伯

再遷中山內史加平北將軍謚曰康

北史本傳

王由

王由字茂道世弼次子好學有文才尤善草隸書又工

摹書

魏書作畫張彥遠  
名畫記云善書畫

為時人所服位東萊太守

北史

王世弼傳

### 蔣少游

蔣少游樂安博昌人也寄平城以傭書為業後召為中書寫書生至太常少卿贈龍驤將軍青州刺史謚曰質

北史本傳

少游敏慧機巧工書畫

歷代名畫記

### 李苗

李苗字子宣梓潼涪人孝昌中兼尚書左丞贈儀同三司河陽縣侯謚忠烈苗解鼓琴好文詠尺牘之敏當世罕及

魏書本傳

曹世表

曹世表字景昇

一作升

東魏郡魏人性雅正工尺牘涉獵

羣書孝昌中為東南道行臺贈齊州刺史

北史本傳

裴敬憲

裴敬憲字孝虞河東聞喜人學博才清工隸草解音律

五言之作獨擅於時贈中書侍郎謚曰文

北史本傳

### 呂溫

呂溫字晦陽本東平壽張人其先石勒時徙居幽州善書有文武才畧位上黨太守有能名贈豫州刺史野王

侯謚曰敬

北史呂羅漢傳

### 沈嵩

沈嵩文秀族子吳興武康人聰敏有筆札文秀以為司

馬後依宋王劉昶

魏書沈文秀傳

嵩善行書

書小史

竇遵

竇遵瑾少子頓丘衛國人善楷篆北京諸碑及臺殿樓觀宮門題署多遵書位至濮陽太守後以善書拜庫部令

北史竇瑾傳

柳楷

柳楷字士則

魏書作孝則

河東解人也善草書頗涉文史位

撫軍司馬

北史柳崇傳

孫伯禮

孫伯禮，惠蔚子，武邑武遂人也。善隸書，位國子博士。

北

史孫惠蔚傳

劉仁之

劉仁之，字山靜，河南洛陽人。少有操尚，粗涉書史。真草書迹頗號工，便除衛將軍西兗州刺史。謚曰敬仁之性。

好文字，吏書失體，便加鞭撻。

魏書本傳

宇文忠之



宇文忠之河南洛陽人也獵涉文史頗有筆札天平初

除中書侍郎武定初為安南將軍尚書右丞

魏書本傳

忠之尤善行草

書小史

沈馥

沈馥

魏宣武時人

後魏定鼎碑景明三年沈馥正書一名御

射碑

金石略

李思弼

李思弼

魏人見草書韻會

釋摩羅

釋摩羅西域烏陽國人聰慧利根學窮釋氏至中國即  
曉魏言隸書凡所聞見無不通解

洛陽伽藍記

釋菩提流支

釋菩提流支天竺國沙門也解佛義知名西土號為羅  
漢曉魏言及隸書翻十地楞伽及諸經論流支讀比丘  
曇謨最大乘義章彈指讚歎即為胡書寫之傳於西域  
洛陽伽藍記

李氏

高慎妻李氏趙郡李徽伯女也豔且慧兼善書記工騎

乘

北史高乾傳

李彪女

李彪女幼而聰令彪教之書學讀誦經傳後宣武聞其名召為婕妤在宮嘗教帝妹書誦授經史後宮咸師宗

之

北史李彪傳

北齊

杜弼

杜弼字輔玄中山曲陽人也長於筆札為時輩所推神武破芒山軍命為露布弼手即書絹曾不起草為膠州刺史贈驃騎大將軍謚文肅

北史本傳

李鉉

李鉉字寶鼎渤海南皮人也九歲入學書急就篇月餘便通齊神武妙簡碩學以教諸子與工書人韓毅等同在東館鉉以文字多乖謬遂覽說文倉雅刪正謬字名

曰字辯特贈廷尉少卿

北史本傳

張景仁

張景仁濟北人工草隸選補內書生與魏郡姚元標潁川韓毅同郡袁買奴滎陽李超等齊名後主愛之呼為博士除中書監贈侍中司空公景仁為兒時詣國學摹石經許子華遇之執手曰張郎風骨非但官爵遷達乃與天子同筆硯後如子華所言

北史本傳

姚元標

姚元標

張景仁傳云魏郡人

官至左光祿大夫以工書知名於時

北史崔浩傳

韓毅

韓毅魯郡

潁川人

以工書顯高祖置之第館教授諸子

北

齊書高祖本紀

袁買奴 李超

袁買奴濟北人李超滎陽人

見上張景仁傳

李繪

李繪字敬文趙郡平棘人六歲便求入學家人以偶年  
拘忌不許遂竊其姊筆牘用之未踰晦朔遂通急就章  
天保初除司徒右長史謚曰景

北史李渾傳

趙彥深

趙隱字彥深自云南陽宛人後為平原人避齊廟諱以  
字行性聰敏善書計初為尚書令司馬子如賤客供寫  
書子如善其無誤用為書令史補大丞相功曹叅軍文  
翰多出其手號為敏給後封宜陽王武平四年轉司徒

北齊書本傳

劉逖

劉逖字子長彭城叢亭里人也少而聰敏專精讀書頗工詩詠世祖時拜儀同三司後除散騎常侍

北齊書本

傳

劉逖行草品下之下

韋續九品書人論

崔季舒

崔季舒字叔正博陵安平人性明敏涉獵經史長於尺



牘為左光祿大夫周武帝滅齊優贈開府儀同大將軍

定州刺史

北史本傳

蕭慨

蕭慨梁武帝弟鄱陽王恢之子也慨好學善草隸書卒

於司徒從事中郎

北齊書蕭退傳

源楷

源楷字邠延西平樂都人有器幹善草隸書官至假儀

同三司

北齊書源彪傳

賈德胄

賈德胄博陵人教樂陵王百年書

北史齊孝昭諸子傳

顏之推

顏之推字介琅邪臨沂人也聰穎機悟博識有才辯工尺牘兼善於文字監校繕寫處事勤敏除黃門侍郎周大象時為御史上士隋開皇中太子召為文學

北齊書本傳

顏之推注急就章一卷又筆墨法一卷

唐書藝文志

劉珉

劉珉字仲寶彭城人北齊三公郎中

唐書宰相世系表作北齊睢陽太守

今見草書十二紙

述書賦注

珉喜草隸遠追羲之頗得其法草書益勝

宣和書譜

劉玄平

劉玄平珉之子高蹈不仕隋贈貞範先生善行草書

書

小史

李元護

李元護遼東襄平人少有武力仕齊位馮翊太守頗覽

文史習於尺牘

書小史

元行恭

元行恭河南洛陽人美姿貌兼俊才善正行書位中書

舍人待詔文林館

書小史

殷英童

殷英童善楷隸書兼工畫

書小史

姚淑

姚淑

孝昭時人

北齊崇因寺碑皇建二年姚淑八分書

金石

略

王思誠

王思誠

後主時人

北齊蒙山碑天統五年王思誠八分書

金

石略

釋仙

釋仙

文宣時人

摩崖報德碑天保六年釋仙書

金石表

釋道常

釋道常

武成時人

北齊關亮造像記河清元年比丘道常書

金石錄

魏夫人

魏夫人北齊人正行品下之下

韋續九品書人論

周

冀儁

冀儁字僧儁太原陽邑人也性沈謹善隸書特工模寫周文引為記室乃令儁為魏帝勅書與費也頭儁尋儁勅模寫及代舍人主書等署與真無異費也頭見勅不

以為疑教明帝及宋獻公等隸書時俗入書學者亦行  
東修之禮謂之謝章雋以書字所興起自倉頡若同常  
俗未為合禮遂啓周文釋奠倉頡及先聖先師尋加開  
府儀同三司爵樂昌侯

北史本傳

趙文深

本作文淵  
避唐諱也

趙文深字德本南陽宛人也少學楷隸年十一獻書於  
魏帝雅有鍾王之則筆勢可觀當時碑牘唯文深龔雋  
而已周文帝以隸書紕繆命與黎李明沈遐等依說文

及字林刊定六體成萬餘言及王褒入關貴遊翕然並  
學褒書文深亦改習褒書然竟無成至於碑牘王褒亦  
每推先之明帝令至江陵書影覆寺碑漢南人士亦以  
為工梁王蕭譽觀而美之賞遺甚厚天和元年露寢寺  
初成文深以題牘之功除趙興郡守文深雖居外任每  
須題牘輒復追之

北史本傳

後周天和二年修西嶽碑趙文淵隸書當南北分爭之  
時即此文章字畫足以見其景象

盛時泰玄牘記



黎景熙

黎景熙字李明河間鄭人從祖廣善古學家傳其法季明亦傳習之頗與許氏有異周文徵之令正定古今文字於東閣天和二年進車騎大將軍儀同三司

北史本傳

沈遐

沈遐

與趙文深黎景熙同時

周文帝以隸書紕繆命文深與黎景

明沈遐等依說文及字林刊定六體

北史趙文深傳

泉元禮

泉元禮上洛豐陽人也少有志氣頗閑草隸有士君子之風爵臨洮縣伯襲洛州刺史

北史泉企傳

王褒

王褒字子深

周書作子淵

琅邪臨沂人七歲能屬文外祖袁

昂愛之蕭子雲褒之姑夫也特善草隸褒少去來其家

遂相模範名亞子雲梁元帝降褒至長安為少司空尋

為宣州刺史

北史本傳

王褒入關以書工崎嶇碑碣之間辛苦筆硯之後嘗悔恨曰假使吾不知書可不至今日邪

顏氏家訓

庾信

庾信字子山南陽新野人父肩吾梁散騎常侍中書令信為抄撰學士梁元帝時聘西魏遂留長安周孝閔帝踐阼進爵義城縣侯拜洛州刺史

北史本傳

庾信善行書

書小史

庾信行及草品中之中

韋續九品書人論

蕭撫

蕭撫字智遐梁武帝弟安成王秀之子也周武帝時歷少保少傅改封蔡陽郡公謚曰襄撫善草隸書名亞王襄

北史本傳

薛溫

薛溫字尼卿道衡兄河東汾陰人也博覽墳典尤善隸書仕周至燕都太守宣政元年賜爵齊安縣子

北史薛

道衡傳

薛慎

薛慎字伯護淮東汾陰人好學能屬文善草書封淮南  
縣子保定初出為湖州刺史尋為蕃部中大夫

北史本  
傳

柳弘

書史會要  
作闕弘誤

柳弘字匡道河東解人少聰穎工草隸博涉羣書辭采  
雅贍與楊素為莫逆交為御正下大夫贈晉州刺史

北

史本傳

裴漢

裴漢字仲霄河東聞喜人聰明好學善尺牘天和五年  
加車騎大將軍儀同三司借人異書必躬自錄本疾疾  
彌年未嘗釋卷贈青州刺史

北史裴寬傳

單于斯彥

單于斯彥周人行草品下之下

韋續九品書人論

隋

楊素

楊素字處道弘農華陰人好學善屬文工草隸書隋受

北

禪加上柱國大業二年拜司徒改封楚公謚曰景武

史本傳

虞世基

虞世基字懋世會稽餘姚人也博學有高才兼善草隸  
陳滅入隋貧無產業每傭書養親煬帝時進位金紫光

祿大夫

北史本傳

虞綽

虞綽字士裕會稽餘姚人也有俊才尤工草隸大業初  
為祕書學士以度遼功授建節尉

北史本傳

虞綽行草品下之下

韋續九品書人論

### 盧昌衡

盧昌衡字子均小字龍子范陽涿郡人沈靖有才識博  
涉經史工草行書隋大業中徵為太子左庶子

北史本傳

### 薛道衡



薛道衡字玄卿河東汾陰人六歲而孤專精好學才名益著煬帝時終司隸大夫

北史本傳

道衡未聞以善書稱觀其和南正書一帖亦非泯泯衆

人之筆

宣和書譜

隋爾朱敞碑開皇五年薛道衡書

朱長文墨池編

趙孝逸

趙孝逸湯陰人隋四門助教趙文深師右軍孝逸效大令甚有功業當平涼之後王褒入國舉朝貴由是皆師於

褒唯此二人獨負二王之法臨二王之迹人間往往為

貨

述書賦注

### 趙仲將

趙仲將彥深子平原人博涉羣書學草隸雖與弟書書  
字楷正云草不可不解若施之於人即似相輕易若當  
家卑幼又恐其謂所在宜爾是以必須隸筆隋開皇中  
位吏部郎終於安州刺史

北齊書趙彥深傳

### 劉顥

劉顗字君卿遼從子彭城叢亭里人也好文學工草書  
風儀甚美隋開皇中為鄜州司馬

北齊書劉遜傳

房彥謙

房彥謙

隋書云  
字孝沖

清河東武城人也大業中為涇陽令善

草隸人有得其尺牘者皆寶翫之貞觀中以子玄齡贈  
徐州都督臨淄縣公謚定伯

北史本傳

蔡徵

蔡徵字希祥濟陽考城人陳中書令陳亡入長安久之

除太常丞歷尚書戶部儀曹郎轉給事郎

南史本傳

蔡徵草書筆力遒勁頗合規模

宣和書譜

### 袁憲

袁憲字德章陳郡陽夏人幼聰敏好學後主時為尚書

僕射入隋授昌州刺史謚曰簡

陳書本傳

袁憲善草書

書小史

### 閻毗

閻毗河陰人

隋書云榆林盛樂人

頗好經史能篆書草隸尤善為

當時之妙文帝受禪以技藝侍東宮煬帝時拜朝請大夫又領將作少監贈殿內監

北史本傳

蔡君知

蔡君知

濟陽考城人  
邕十四代孫

隋蜀王府記室能楷隸為時所重

蔡希綜法書論

竇慶

竇慶扶風平陵人榮定次子襲封陳公有姿容頗工草

隸大業末為南郡太守

北史竇榮定傳

竇璡

竇璡慶弟亦工草隸位至扶風太守

北史竇榮定傳

殷胄

殷胄江南士人工草隸

隋書楊素傳

丁道護

丁道護官至襄州祭酒從事善正書

書小史

道護書兼後魏遺法隋唐之交善書者衆皆出一法道

護所得最多

蔡襄忠惠公集

道護書襄陽啓法興國寺碑最精歐虞之所自出北方

多樸而有隸體

墨池璣錄

丁道真

丁道真善書

書史會要

史陵

史陵善正書筆法精妙不減歐虞

書小史

太宗與漢王元昌褚僕射遂良等皆受之於史陵褚首  
師虞後又學史乃謂陵曰此法更不可教人是其妙處

也 李嗣真書後品序

梁恭之

梁恭之開府中兵參軍盛工篆隸

孝子郭巨墓碑文

老子廟碑開皇三年薛道衡撰梁恭之八分

金石錄

老子廟碑道衡文體卑弱余所取者特其字畫近古故

錄之 集古錄

龐寬

龐寬

書史會要作曾父誤

興福寺碑開皇二年龐寬書

金石略



韋霈

韋霈

隋文帝時人

廣業郡守鄭君碑開皇九年韋霈正書

金

石略

杜頽

杜頽南陽人開皇中搜訪異書召天下工書之士京兆  
韋霈南陽杜頽等於祕書內補續殘缺為正副二本藏  
於宮中其餘以實祕書內外之閣

隋書藝文志

到曼才

一作劉曼才一作到憲才並誤

到曼才

隋文帝時人

益州至貞觀碑開皇十二年到曼才正

書

金石錄

侯孝真

一作直

侯孝真

隋煬帝時人

樂州使君江夏徐公碑大業二年侯孝

直八分書

金石略

魏瑗

魏瑗

隋煬帝時人

姑蘇上方寺舍利塔銘魏瑗書

墨池編

賀混

賀混隋人行草品下之中

韋續九品書人論

吳少常

吳少常書遺教經

豐道生評書

釋智果

釋智果會稽人也居永興寺煬帝甚喜之工書銘石常謂永師云和尚得右軍肉智果得右軍骨果隸行草皆

入能

書斷

智果書合處不減古人然時有僧氣

墨池瑣錄

釋述 釋特

釋述釋特與果並師智永述困於肥鈍特傷於瘦怯書  
斷

釋敬脫

釋敬脫善正書能用大筆寫方丈字

金壺記云人有求者唯止二字

天

然道勁不加修飾當時謂之僧傑

書小史

釋知苑

釋知苑幽州沙門精練有學識隋大業中於西山鑿巖

為石室摩四壁以寫經又取方石別更摩寫藏諸室內  
所造石經滿七室焉

冥報記

御定佩文齋書畫譜卷二十五

欽定四庫全書

御定佩文齋書畫譜目錄

第二十六卷

書家傳五

唐一

虞世南

虞纂

虞煥

歐陽詢

歐陽通

王宏

蕭瑀

魏徵

魏叔琬

魏叔瑜

魏華

房玄齡

杜如晦

高士廉

長孫無忌

李靖

竇璡

李勣

殷開山

殷聞禮

殷令名

殷仲容

岑文本

李百藥

楊師道

褚遂良

傅奕

孫思邈

薛純陀

喬師望

顏勤禮

顏昭甫

顏有意

顏元孫

顏惟貞

于立政

閻立本

錢穀



王瓚

宋才

國詮

張師丘

劉君諤

諸葛思禎

蕭翼

李懷琳

謝道士

趙謨

韓道政

馮承素

諸葛貞

湯普徹

上官儀

劉伯莊

張志遜

陸東之

陸彥遠

陸景融

陸曾

陸峴

馬業

高正臣

張紹先

王方翼

劉仁軌

裴行儉

裴延休

宋令文

崔行功

李亘

趙持滿

契苾何力

賀蘭敏之

陳惟玉

李謨

武盡禮

李蕃

陳遺玉

王行滿

敬客

張延壽

暢整

竇節

孫師範

蘇休奕

趙仙客

張遂隆

柳洋

傅得節

王大義

陳昇

蘇文舉

沮渠智烈

吳知禮

王懸河

徐碩

齊懷壽

張庭諷

魏元忠

狄仁傑

王方慶

王駿

李嶠

杜審言

沈佺期

宋之問

宋之遜

武三思

孫過庭

孫翔

薛稷

鍾紹京

王知敬

王知慎

王友貞

王玄宗

王紹宗

王嗣宗

唐推

盧藏用

劉允濟

尹元凱

薛曜

楊庭

賈膺福

薛昌容

李元振

李敬

唐奉一

李思訓

尹守貞

党復

嚴政

李承福

李思惲

蕭懷素

房晉

劉玄明

鞠處信

鄭莊

劉翊

馬元貞

楊楚材

杜行均

蕭令臣

韓懷信

劉濟物

孫希弼

范元慙

吳守劼

段元述

韓景陽

孫去煩

袁元愬

王知恭

李巖

崔液

劉昇

元希聲

徐師道

徐嶠之

唐從心

于經野

韋同

李涉

郭謙光



楊略

韓覃

平授

鄭萬鈞

劉欽旦

施楚玉

甯思道

殷子陽

儲伯陽

楊幽經

權瓌

殷玄祚

王崇敬

馮敦直

欽定四庫全書

御定佩文齋書畫譜卷二十六

書家傳五

唐一

虞世南

虞世南字伯施越州餘姚人性沉靜寡欲篤志勤學善屬文同郡沙門智永善王羲之書世南師焉妙得其體隋大業初授祕書郎太宗引為秦府參軍弘文館學士

嘗命寫列女傳以裝屏風於時無本世南暗疏之不失一字貞觀七年轉祕書監賜爵永興縣子太宗嘗稱世南有五絕一曰德行二曰忠直三曰博學四曰文辭五曰書翰授銀青光祿大夫謚曰文懿

舊唐書本傳

唐太宗工隸師虞世南常患難於戈法一日書戩字乃空其落世南取筆填之以示魏徵曰朕學世南似盡其法卿看之公曰天筆所臨萬象不能逃其形非臣書所可擬仰觀聖作惟戩字戈法頗逼真上深歎公為藻識

書斷

虞世南曰余昔夢吞筆後夢張芝指為一道字方悟其

書也

金壺記

虞永興嘗被中畫腹書末年尤妙

黃山谷集

子嘗見世南真蹟謂以孔子廟堂碑石本進呈太宗特  
賜王羲之黃銀印一顆世南之書貴重當時如此

金薤

琳琅

世南嘗作筆髓學者多宗焉

宣和書譜

世南傳歐陽率更詢褚河南遂良遂良傳薛少保稷是

為貞觀四家

解縉書學傳授

虞纂

虞纂世南族子

竇蒙云世南子

書有叔父體則而風骨不繼

書

斷

虞煥

虞煥

世南孫

竇蒙云子纂孫煥皆能繼世煥授武官在仗

宿衛

述書賦注

歐陽詢

歐陽詢字信本潭州臨湘人

實泉述書賦注  
統之子

敏悟絕人博

貫經史仕隋為太常博士高祖微時數與游即位累擢

給事中詢初倣王羲之書後險勁過之因自名其體尺

牘所傳人以為法高麗嘗遣使求之帝曰彼觀其書固

謂形貌魁梧邪嘗行見索靖所書碑觀之去數步復返

及疲乃布坐至宿其傍三日乃得去貞觀初歷太子率

更令封渤海男

唐書本傳

詢八體盡能篆體尤精飛白冠絕峻於古人真行之書  
於大令別成一體草書迭蕩流通視之二王可為動色

書斷

歐陽修曰隋之晚年書學尤盛吾家率更與虞世南皆  
當時人後顯於唐遂為絕筆

集古錄

詢正書為翰墨之冠

宣和書譜

歐陽詢因見右軍教獻之指歸圖一本以三百縑購之

而歸賞玩經月喜而不寐焉

金壺記

歐陽通

歐陽通

宰相世系表  
云字通師

詢之子儀鳳中累遷中書舍人天

授初轉司禮卿判納言事通早孤母徐教以父書懼其

墮嘗遺錢使市父遺蹟通乃刻意臨倣以求售數年書

亞於詢父子齊名號大小歐陽體通晚自矜重以狸毛

為筆覆以免豪管皆象犀非是未嘗書

唐書本傳

通筆力勁險盡得家風

廣川書跋

王宏



王宏濟南人太宗幼日同學因問為八體書太宗既即極因訪宏而鄉人竟傳隱去是亦子陵之徒與

柳宗元

龍城錄

蕭瑀

蕭瑀字時文後梁明帝子也愛經術善屬文隋河池郡守高祖入京師封宋國公拜民部尚書進尚書左僕射

貞觀中拜太子太保同中書門下三品謚貞褊

唐書本

傳

蕭瑀書宋紹興祕閣續法帖內有其蹟

書史會要

### 魏徵

魏徵字玄成魏州曲城人少孤有大志通貫書術從李  
密來京師擢祕書丞貞觀中為侍中進鄭國公拜特進  
知門下省事太子太師謚曰文貞帝後臨朝歎曰朕比  
使人至其家得書一紙始半橐公卿侍臣可書之於笏  
知而必諫也

唐書本傳

貞觀中搜訪王右軍等真蹟帝令魏少師虞永興褚河

南等定其真偽又令魏褚等更署名其後

韋述叙書錄

魏叔琬

魏叔琬

鄭國公徵仲子

叔瑜兄亦善書

墨池編

魏叔瑜

魏叔瑜

張說神道碑云字思瑾

相州曲城人徵季子豫州刺史善

草隸以筆意傳其子華及甥薛稷

唐書魏徵傳

魏華

魏華

陶宗儀云字茂實

叔瑜次子檢校太子左庶子武陽縣男

宰相世系表  
作禮部侍郎

世稱善書者前有虞褚後有薛魏

唐書魏

徵傳

華好書翰初與薛稷俱師於褚後習右軍行草其迹遂

過於師

書小史

房玄齡

房玄齡字喬

舊唐書云房  
喬字玄齡

齊州臨淄人彥謙子幼警敏

善屬文書兼草隸舉進士授羽騎尉太宗徇河北署行

軍記室參軍即位為中書令封邢國公進尚書左僕射

更封魏終太子太傅知門下省事謚曰文昭玄齡常恐諸子驕侈集古今家誠書為屏風令各取一具曰留意

於此足以保躬矣

唐書本傳

房僕射玄齡行草風流秀穎

書斷

杜如晦

杜如晦字克明京兆杜陵人少英爽喜書以風流自命

隋溢陽尉秦王引為府兵曹參軍歷遷兵部尚書封蔡

國公進位尚書右僕射謚曰成

唐書本傳

楷隸草法唐初杜如晦高士廉亦深有意焉

蔡希綜法

書論

### 高士廉

高士廉名儉以字顯

舊唐書云勃海衛人

隋仁壽中舉文才甲科

補治禮郎秦王領雍州牧薦士廉為治中親重之歷吏

部尚書進封許國公遷尚書右僕射加開府儀同三司

同中書門下三品知政事謚曰文獻

唐書本傳

太宗大購圖書寶於內庫貞觀十三年裝成排署有特

進尚書左僕射中國公臣士廉跋尾

徐浩古蹟記

長孫無忌

長孫無忌字輔機河南洛陽人好學該博文史少與太宗友善貞觀中進尚書右僕射冊司空知門下尚書省事封趙國公高宗初進太尉檢校中書令

舊唐書本傳

唐太宗登逍遙樓詩長孫無忌楊師道行書唐萬年宮

碑陰題名永徽六年長孫無忌以下自書

金石錄

李靖

李靖本名藥師雍州三原人姿貌瓌瑋少有文武才略  
隋大業末馬邑郡丞武德三年以功授開府貞觀中拜

尚書右僕射進位衛國公謚曰景武

舊唐書本傳

歐陽修與劉侍讀書曰承示千文甚佳此是李靖字唐

人集為千文

歐陽文忠公集

李衛公書豪武自將

廣川書跋

唐李衛公布衣時上西嶽書蓋厭隋亂而咨之神明之

辭也其書亦佳石刻在廣西

曹昭格古要論



竇璡

竇璡字之推隋大業末為扶風太守唐兵起以郡歸歷  
民部尚書授祕書監封鄧國公貞觀初遷將作大匠謚  
曰安璡有巧思工書

唐書本傳

李勣

李勣

舊唐書云名世勣永徽中以犯太宗諱單名勣焉

字懋功曹州離狐人本

姓徐氏武德二年歸朝廷授黎州總管封英國公賜姓  
李貞觀中授同中書門下三品高宗立進尚書左僕射

太子太師謚貞武

唐書本傳

宋蘇轍荅子瞻寄示岐陽十五碑詩云英公與褒鄂戈戟聞自荷何年學操筆終歲惟箭筈書成亦可愛藝業

嗟獨夥

蘇轍樂城集

### 殷開山

殷開山名嶠以字行京兆鄠人祖不害陳司農卿開山涉書工為尺牘為隋太谷長高祖召補大將軍掾歷遷

吏部尚書謚曰節

唐書本傳

殷聞禮

殷聞禮

張彦遠云字大端見畫家傳

嶠從祖弟有文學武德中為太

子中舍人

舊唐書殷嶠傳

聞禮書畫妙過於父

歷代名畫記

殷令名

殷令名陳郡人

陳司農卿不害子見畫家傳

唐濟度寺即令名手蹤

為後代程式

述書賦注

令名與其子仲容

按張彦遠名畫記令名父不害聞禮子仲容舊唐書云聞禮子仲容亦知

名惟實蒙云仲容不害之孫令名之子米芾跋殷令名  
頭陀寺碑云父開山也武德中為尚書故闕山字則是  
令名乃聞禮皆以能書擅名一時筆法精妙不減歐虞  
之從兄弟矣金石錄

## 殷仲容

殷仲容聞禮子

實蒙云令名子官至禮部郎中見畫家傳則天深愛其才官

至申州刺史

舊唐書本傳唐書殷踐猷傳云從父仲容終冬官郎中有重名

殷侍御仲容善篆隸題署尤精

書斷

仲容書汴州安業寺額京師哀義開業資聖寺東京太

僕寺靈州神馬觀額皆精妙曠古

述書賦注

唐流杯亭侍宴詩李嶠序殷仲容書貞元中陸長源為  
汝州刺史以為嶠序仲容書絕代之寶也

集古錄

岑文本

岑文本字景仁南陽棘陽人博考經史善屬文貞觀元  
年除祕書郎累拜中書令贈侍中謚曰憲

舊唐書本傳

岑文本工飛白書

書史會要

李百藥

李百藥字重規定州安平人開皇初授太子通事舍人  
兼學士太宗至涇州召與語悅之貞觀元年拜中書舍  
人封安平縣男進宗正卿謚曰康百藥名臣子才行世  
顯為天下推重翰藻沉鬱尤其所長

舊唐書本傳

隋泛愛寺碑李百藥自書字畫老勁可喜

集古錄

### 楊師道

楊師道字景猷清警有才思歸高祖授上儀同為備身  
左右封安德郡公貞觀中歷遷工部尚書太常卿師道

善草隸工詩謚曰懿

唐書本傳

師道師法虞公

書斷

褚遂良

褚遂良

唐書云字登善

杭州錢塘人

褚亮碑云晉南遷家於丹楊

散騎常侍

亮之子也博涉文史尤工隸書父友歐陽詢甚重之太

宗嘗謂侍中魏徵曰虞世南死後無人可以論書徵曰

遂良下筆遒勁甚得王逸少體太宗即日召令侍書太

宗嘗出御府金帛購求王羲之書蹟天下爭齎古書詣

闕以獻當時莫能辨其真偽遂良備論所出一無舛誤  
官拜中書令高祖即位封河南郡公出為同州刺史永  
徽三年徵拜吏部尚書同中書門下三品六年左遷潭  
州都督顯慶二年轉桂州都督又貶愛州刺史卒官

唐書本傳

遂良書少則服膺虞監長則祖述右軍真書甚得其媚  
趣隸行亦嘗師授史陵

書斷

遂良書多法或數鍾公之體而古雅絕俗或師逸少之



法而瘦硬有餘至於章草之間婉美華麗皆妙品之尤

者也

墨池編

褚河南書似西漢不減銅筭等書

廣川書跋

### 傅奕

傅奕相州鄴人隋開皇中以儀曹事漢王諒諒敗徙扶

風高祖為扶風太守禮之及即位拜太史丞貞觀十三

年卒奕自誌曰傅奕青山白雲人也以醉死

唐書本傳

傅奕家貧傭書後有金帛洛陽盛稱善書而得富也

書

史會要

孫思邈

孫思邈京兆華原人通百家說善言老子莊周居太白山太宗初召詣京師欲官之不受顯慶中復召見拜諫議大夫固辭稱疾還山永淳初卒年百餘歲

唐書本傳

思邈書宋紹興祕閣續法帖內有其蹟

書史會要

薛純陀

薛純陀秘書省正字本名純陀後以純自列於時筆力

有餘點畫不失尚多隸體氣象奇偉猶有古人體法廣

川書跋

薛純陀學歐草

書斷

純陀書有筆法遒勁精悍不減吾家蘭臺意其當時必

為知名士

集古錄

純陀貞觀十二年奉勅書砥柱銘當時如虞伯施褚登

善號能書者皆避而讓之其後柳誠懸愛其書恐失其

次第則又別書於石

廣川書跋

喬師望

喬師望

史失其系

高祖女廬江公主下嫁喬師望為同州刺

史

唐書諸公主列傳

唐西峰秦皇觀基浮屠銘上元二年華州刺史喬師望

撰并八分書

金石文字記

顏勤禮

顏勤禮字敬琅邪臨沂人

真卿曾祖

幼而朗悟識量弘遠工

於篆籀尤精詁訓解褐校書郎與兩兄弟師古相時同

時為弘文崇賢學士

顏真卿家廟碑

顏昭甫

顏昭甫字周卿勤禮子

真卿祖

工篆籀草隸書與內弟殷

仲容齊名而勁利過之為伯父師古所賞重嘗得古鼎

廿餘字舉朝莫識盡令讀之官侍讀贈華州刺史

顏真

卿家廟碑

顏有意

顏有意

昭甫之諸弟

至刺史

顏真卿家廟碑

唐益州學館廟堂記永徽元年成都縣令顏有意正書

金石錄

顏元孫

顏元孫字聿修昭甫子少孤養於舅殷仲容家尤善草  
隸仲容以能書為天下所宗人造請者牋盈几輒令代  
遣得者欣然莫之能辨玄宗出諸家書蹟數十卷曰聞  
公能書可為定其真偽公分別以進玄宗大悅著干祿

字書行於世

書小史

元孫貞觀中刊正經籍因錄字體數紙以示讐校楷書

時號顏氏字樣

顏真卿干祿字書序

顏惟貞

顏惟貞字叔堅昭甫子

真卿父

少孤育舅殷仲容氏教筆

法家貧無紙筆與兄元孫以黃土埽壁木石畫而習之

故特以草隸擅名天授元年判入高第授衢州參軍歷

長安尉太子文學累贈祕書少監國子祭酒太子少保

顏真卿家廟碑

唐國子祭酒武承規墓誌蘇頲撰太子文學顏叔堅書  
金石錄

于立政

于立政字匡時京兆高陵人志寧子太僕少卿虢州刺

史

唐書宰相世系表

唐河間元王碑貞觀十四年于立政正書

金石錄

閻立本

閻立本京兆萬年人拜右相

見畫家傳

有應務之才兼能書



畫

歷代名畫記

卷二十一

錢穀

錢穀小篆飛白寬博敏麗太宗貴之

李嗣真書後品

王瓚

王瓚

太宗時人  
丹陽尉

焦山有唐王瓚一詩刻

董道云王瓚書  
自貞觀至今亦

無謫  
缺

字畫全類瘞鶴銘

東觀餘論

宋才

宋才

太宗時人  
唐郎顗碑宋才書字畫甚偉

集古錄

國詮

國詮

時太宗人

唐貞觀中經生國詮奉勅作指頂許字用硬

黃紙書善見律末後注諸臣有閻立本名其書精熟勻

淨而近媚

都穆寓意編

張師丘

集古錄云一作師求

張師丘

時太宗人

隋郎茂碑貞觀五年張師丘正書

金石錄

劉君諤

劉君諤

時太宗人

唐李先生碑貞觀十五年劉君諤正書

金

諸葛思禎

諸葛思禎

太宗時人

唐瑤臺寺碑貞觀十八年許敬宗撰諸

葛思禎正書

金石錄

蕭翼

蕭翼魏州莘縣人貞觀中太宗未得蘭亭知在辨才所  
謂侍臣曰若為得一智略之士設謀計取之尚書右僕  
射房玄齡曰監察御史蕭翼負才藝多權謀可充此選

太宗遂詔見翼翼微服至湘潭過辨才院留宿賦詩因  
談論翰墨翼曰弟子先門皆傳二王楷書法弟子又幼  
來耽玩今有數帖自隨出示辨才辨才曰未佳善貧道  
有一真蹟曰蘭亭翼佯笑曰數經亂離真蹟豈在辨才  
自於屋樑上檻內出之翼故駭瑕指顙曰響榻書也示  
翼之後並翼諸帖置几案間後辨才出翼遂取得至都  
奏御拜真外郎

何延之蘭亭記

李懷琳

李懷琳洛陽人國初時好為偽迹其大急就稱王書及  
七賢書假云薛道衡作叙及竹林叙事并衛夫人咄咄  
逼人嵇康絕交書並懷琳之偽迹也太宗時待詔文林

館

述書賦注

### 謝道士

謝道士

實蒙云姓  
謝名道士

能為繭紙嘗書大急就兩本各十紙

言詞鄙下跋尾分明徐唐沈范蹤迹烜赫勞如裝背持  
以質錢貞觀中勅頻搜尋彼之錢主封以詣闕太宗殊

喜賜縑二百疋

述書賦注

### 趙模

趙模

太宗時翰林供奉搨書人按趙模行書千文云太子右監門府鎡曹參軍臣模上

唐高士

廉瑩兆記許敬宗撰趙模正書字畫甚工

金石錄

模喜書工臨倣始習義獻學集成千文其合處不減懷

仁  
宣和書譜

### 韓道政

韓道政

太宗時人

帝命供奉搨書人趙模韓道政馮承素諸

葛貞等四人各搨蘭亭數本以賜皇太子諸王近臣 何

延之蘭亭記

馮承素

馮承素將仕郎直弘文館貞觀十三年內出樂毅論真蹟令承素模寫賜長孫無忌房玄齡高士廉侯君集魏徵楊師道等六人並筆勢精妙備盡楷則 褚遂良搨本

樂毅論記

唐馮承素所臨蘭亭蕭散樸拙 黃潛文獻公集

諸葛貞

諸葛貞

時太宗人

太宗勅馮承素諸葛貞搨樂毅論及雜帖

數本賜長孫無忌等六人

武平一徐氏法書記

湯普徹

湯普徹

時太宗人

太宗嘗令搨書人湯普徹等搨蘭亭賜梁

公房玄齡已下八人普徹竊搨以出故在外傳之

武平

一徐氏法書記

上官儀



上官儀字游韶陝州陝人工文詞涉貫墳典貞觀初擢  
進士第召授弘文館學士遷祕書郎高宗即位為祕書  
少監進西臺侍郎儀工詩其詞綺錯婉媚貴顯人多倣  
之謂為上官體中宗時追贈中書令楚國公

唐書本傳

上官儀師法虞公

書斷

劉伯莊

劉伯莊徐州彭城人貞觀中累除弘文館學士與許敬  
宗等參修文思博要及文館詞林龍朔中終崇賢館學

士舊唐書本傳

伯莊師法虞公

書斷

張志遜

張志遜虞纂之亞

書斷

陸東之

陸東之蘇州吳人元方伯父善書名家官太子司議郎

唐書陸元方傳

東之世南之甥少學舅氏

書斷

陸學士東之受於虞祕監虞祕監受於永禪師皆有體

法

李嗣真書後品

東之以書專家與歐褚齊名隸行入妙草入能隸行於  
今殆絕遺迹嘗觀其草書意古筆老信乎名不虛得也

墨池編

東之書頭陀寺碑急就章龍華寺額武丘東山碑最聞

於時

宣和書譜

陸彥遠

陸彥遠東之子贊善大夫

唐書宰相世系表

彥遠時謂小陸傳父書法以傳張旭

書史會要

### 陸景融

陸景融元方子

東之從孫

博學工筆札以陰補千牛累遷工

部尚書東都留守

唐書本傳

景融以博學工書擅名一時行楷既實且美

書史會要

### 陸曾

陸曾彥遠從孫

唐書宰相世系表

唐禪房寺吳郡陸曾書額

吳地記

曾楷隸行草分篆飛白臨諸家帖無不逼真

書史會要

陸峴

陸峴景融曾孫潤州司戶參軍

唐書宰相世系表

峴能精書學著名當時

書史會要

馬業

馬業師陸柬之

書史會要

高正臣

高正臣廣平人官至衛尉少卿

宰相世系表云正臣都官貢外郎志廉子官襄

州刺史

習右軍法玄宗甚愛其書自任潤州湖州筋骨漸

備任申邵等州體法又變

書斷

正臣善正行草書

書史會要

唐明徵君碑上元三年高宗撰高正臣行書

金石錄

金陵有高正臣書字畫殊有歐虞法

東觀餘論

張紹先

張紹先范陽方城人

懷瓘之父

與高正臣有舊朝士就高乞

書憑紹先書之高曾與人書十五紙紹先戲換五紙以示高不辨客曰有人換公書高笑曰必張公也終不能辨宋令文曰力則張勝態則高強有人求高書一屏障曰正臣故人在申州書與僕類可往求之紹先乃與書之  
法書要錄

紹先宗二王

書史會要 按陶宗儀又載張紹宗晉侍  
中華十一世孫懷瓘之高祖也官至邵州

武綱令贈宜春郡太守博學工書攷唐書地理志云唐  
興高祖改郡為州太守為刺史終唐之世無太守官且  
紹宗為懷瓘高祖即紹先之曾祖也亦不應祖孫  
相去止三世而名諱相犯若此是必宗儀之誤

王方翼

王方翼字仲翔并州祁人方翼早孤雜庸保執苦療松  
丸墨太宗時擢右千牛高宗立從祖女弟為皇后調安  
定令累遷庭州刺史封太原郡公善書與魏叔琬齊名

唐書本傳

劉仁軌

劉仁軌字正則汴州尉氏人少貧賤好學值亂不能安  
業每動止畫地書空寓所習卒以通博聞顯慶中累擢



大司憲遷右相兼檢校太子左中護累功封樂城縣男  
咸亨五年拜尚書左僕射兼太子賓客知政事開元中

追謚曰文獻

唐書本傳

劉仁軌善書

書史會要

裴行儉

裴行儉字守約絳州聞喜人貞觀中舉明經儀鳳二年  
拜吏部尚書兼檢校右衛大將軍封聞喜縣公贈幽州  
都督謚曰獻中宗即位再贈揚州大都督行儉工草隸

名家帝嘗以絹素詔寫文選覽之祕愛其法賚物良厚  
行儉每曰褚遂良非精筆佳墨未嘗輒書不擇筆墨而  
妍捷者余與虞世南耳所撰選譜草字雜體數萬言

唐

書本傳

行儉工草書行及章草並入能有若縉紳之士其貌偉

然華袞金章從容省闥

書斷

裴行儉以書知名而世罕傳之嘗見一帖寫兵法字甚

怪放劉無言云行儉所書千文亦工

東觀餘論

裴延休

裴延休

行儉次子

并州文水令世載文雄家傳草聖

張說贈

太尉裴行儉神道碑

宋令文

宋令文號州弘農人

父之問

有勇力工書善屬文高宗時

為左驍衛郎將東臺詳正學士

舊唐書本傳

令文有三絕曰書畫力尤於書備兼諸體偏意在草志欲究能翰簡翩翩甚得書之媚趣若於高卿比權量力

則騶忌之類徐公也

書斷

崔行功

崔行功恒州井陘人少好學唐儉愛其才倩作文奏高宗時累轉吏部郎中貶游安令召為司文郎中與蘭臺侍郎李懷儼並主朝廷大典冊寫四部羣書充使檢校以勞遷蘭臺侍郎

唐書本傳

唐崔行功嘗書開元寺千佛記

趙岷石墨鐫華

李亘

李亘

高宗時人

徐彥伯為蒲州司兵參軍時司戶韋嗣立判

司士李亘工書徐彥伯屬辭時稱河東三絕

唐書徐彥

伯傳

趙持滿

趙持滿長孫詮之甥工書善騎射力搏虎走逐馬而仁

厚下士京師無貴賤愛慕之官至涼州刺史

唐書長孫

無忌傳

契苾何力

契苾何力莫賀可汗之孫貞觀六年率衆內屬歷右驍

衛大將軍龍朔中封涼國公謚曰毅

唐書本傳

唐萬年宮碑陰後列從官五十餘人書名大小不倫然

皆有法即契苾何力賀蘭

敏之

亦不草草

石墨鐫華

### 賀蘭敏之

賀蘭敏之

武士驍之外孫

武后取為士驍後賜氏武襲封擢累

左侍極蘭臺太史令與名儒李嗣真等參與刊撰

唐書

武士驍傳

唐岐州法門寺舍利塔銘龍朔三年賀蘭敏之撰并行

書金石錄

陳惟玉

陳惟玉

陶宗儀云或  
云荊州人

絳州碧落篆李肇

集古錄作  
李璿之

得觀

中石記為陳惟玉書字奇古行筆精絕不類世篆學廣

川書跋

李謨

李謨韓王元嘉子

宗室世系表  
云黃國公

少以文才見知諸王子

中與琅邪王沖為一時之秀凡所交結皆當代名士謨  
父子書籍最多皆文句詳定祕閣所不及

唐書本傳

唐碧落碑歐陽永叔以李漢記為黃公譔書

廣川書跋

### 武盡禮

武盡禮筆法精勁當時宜自名家而唐人未有稱之見  
於文字者豈其工書如盡禮者往往皆是特今人罕及  
耳

集古錄

唐寧照寺鐘銘景龍三年武承泰撰武盡禮書

金石錄



李蕃

李蕃徐康王元禮次子淮南公

唐書宗室世系表

唐南嚴寺記李蕃書

墨池編

陳遺玉

陳遺玉潁川人涇州刺史

唐書宰相世系表

唐國子司業于立政碑調露元年陳遺玉八分書

金石錄

錄

王行滿

王行滿

高宗時人

唐三藏聖教序永徽四年太宗撰褚遂良

正書又王行滿正書又僧懷仁集逸少正書

金石錄

敬客

敬客

高宗時人

唐王居士磚塔銘顯慶三年上官靈芝撰敬

客正書

金石文字記

張延壽

張延壽

高宗時人

唐修正寺舍利塔碑龍朔二年楊武英撰

張延壽正書

金石錄

暢整

暢整

見名畫記

唐清河公主碑麟德元年暢整正書

金石錄

竇節

竇節

高宗時人

唐司元太常伯竇德立碑乾封元年李儼撰

姪節正書

金石錄

孫師範

孫師範

高宗時人

唐孔宣尼碑乾封二年崔行功撰孫師範

八分書

金石錄

蘇休奕

蘇休奕

高宗時人

唐杜延基造心經總章元年蘇休奕正書

金石錄

趙仙客

趙仙客

高宗時人

唐徐王元禮碑咸亨三年崔行功撰趙仙

客書

集古錄

張遂隆

張遂隆

高宗時人

唐戎州刺史董寶亮碑咸亨四年李儼撰

張遂隆八分書

金石錄

柳洋

柳洋

高宗時人

唐臨汾縣令于府君德政碑咸亨四年謝祐

撰柳洋正書

金石錄

傅得節

傅得節

高宗時人

唐九門縣西浮圖碑上元三年應詔四科

舉董行思文清河傅得節書

集古錄

王大義

一作文儀

王大義

高宗時人

唐黎尊師碑儀鳳元年盧照鄰撰王大義

行書

金石錄

陳昇

陳昇

高宗時人

葛仙公碑梁陶弘景撰唐調露二年陳昇正

書

金石錄

蘇文舉

蘇文舉

高宗時人

唐開業寺李公碑開耀二年李尚一撰蘇

文舉正書

金石錄

沮渠智烈

沮渠智烈

高宗時人

唐少姨廟碑永淳元年楊炯撰智烈書

夏啓母廟碑永淳二年崔融撰智烈書

金石錄

吳知禮

吳知禮

高宗時人

唐無量壽佛像碑永淳元年張昌齡撰吳

知禮八分書

金石錄

王懸河

王懸河

高宗時人

唐道藏經序弘道元年高宗則天撰王懸

河行書金石錄

徐碩

徐碩

時高宗人

唐太平觀主王遠知碑徐碩隸書金石略

齊懷壽

齊懷壽

時高宗人

唐昇真先生王遠知碑齊懷壽書墨池編

張庭諷

張庭諷

時高宗人

唐荊州都督長史孫公碑宰相世系表孫俊高宗相茂道

子荆府長史

張庭諷書金石略



魏元忠

魏元忠宋州宋城人本名真宰以避則天母號改焉初為太學生志氣倜儻儀鳳中上封事帝甚歎異之中宗時歷遷中書令封齊國公終尚書左僕射

舊唐書本傳

元忠善草書

書史會要

唐端州石室魏元忠題名

金石略

狄仁傑

狄仁傑字懷英并州太原人舉明經天授二年以地官

侍郎同鳳閣鸞臺平章事歷除內史謚曰文惠睿宗封

梁國公

唐書本傳

大足中則天太后賞納言狄仁傑能書仁傑云臣自幼  
以來不見好本只率愚性何由得能則天乃內出二王  
真蹟二十卷遣五品中使示諸宰相看訖表謝登時將  
入

徐浩古蹟記

王方慶

王方慶名綝以字顯雍州咸陽人起家越王府參軍武

后時封石泉縣子歷遷鸞臺侍郎同鳳閣鸞臺平章事  
后嘗就求義之書方慶上十一世祖導等二十八人書  
共十篇后御武成殿徧示羣臣詔中書舍人崔融序其  
代閱號寶章集復以賜方慶士人歆其寵卒贈兗州都  
督謚曰貞

唐書本傳

王方慶王氏八體書範四卷王氏工書狀十五卷

唐書

藝文志

石泉公王方慶素尚豪翰每還私第必請鍾紹京盛論

法書方慶常疾須紹京言書輒差右相楊再思以為鍾

君可愈王侍郎疾也

書史會要

王暎

王暎方慶少子工書知名官至殿中侍御史

舊唐書王

方慶傳

李嶠

李嶠字巨山趙州贊皇人為兒時夢人遺雙筆自是有  
文辭擢進士第舉制策甲科武后時歷進麟臺少監同

鳳閣鸞臺平章事神龍中為中書令封趙國公嶠富才

思與崔融蘇味道齊名

唐書本傳

唐道州碧落洞元結改曰無為洞篆刻在焉李嶠有篆

額

格古要論

### 杜審言

杜審言

唐書云  
字必簡

襄州襄陽人進士舉雅善五言詩工書

翰有能名然恃才審傲嘗謂人曰吾之文章合得屈宋

作衙官吾之書蹟合得王羲之北面其矜誕如此則天

時遷膳部員外郎神龍初授國子監主簿加修文館直

學士

舊唐書本傳

沈佺期

沈佺期

唐書云字雲卿

相州內黃人進士舉善屬文累轉考功

員外郎神龍中歷中書舍人太子詹事

舊唐書本傳

佺期以工書著名

書史會要

宋之問

宋之問字延清一名少連令文子偉儀貌雄於辨甫冠

武后召直習藝館左奉宸內供奉景龍中遷考功員外郎睿宗立詔流欽州魏建安後迄江左詩律屢變及之問沈佺期又加靡麗學者宗之號為沈宋唐書本傳之問工真行天性卓絕書史會要

宋太平興國二年袁州獻宋之問書龍鳴寺碑玉海

宋之遜金石錄作之遜

宋之遜令文子之問弟為連州參軍初父令文富文辭且工書有力絕人世稱三絕後之問以文章起其弟之

悌以躋勇聞之遜精草隸世謂皆得父一絕

唐書本傳

唐襄州刺史封公碑垂拱元年宋之遜正書字畫頗佳

金石錄

### 武三思

武三思并州文水人少以后族累拜夏官尚書及革命

封梁王神龍初拜司空謚曰宣

舊唐書本傳

唐福先寺浮圖碑神龍元年武后撰武三思正書

金石

錄



孫過庭

孫過庭字虔禮富陽人右衛胄曹參軍

述書賦注張懷瓘書斷作孫

虔禮字過庭陳留人官至率府錄事參軍宋王銑云唐垂拱時人

過庭博雅有文章草書憲章二王工於用筆偶拔剛斷尚異好奇然所謂少功用有天材真行之書亞於草矣嘗作運筆論亦得書之指趣也

書斷

過庭書至能品嘗著書論妙盡其趣即書譜也宋高廟垂情藝文嘗謂此譜妙備草法手不少置石本惟禁中

太清樓所刻最為精絕

王鏊姑蘇志

孫翔

孫翔過庭子亦能書

姑蘇志

薛稷

薛稷字嗣通蒲州汾陰人

見畫史家傳

擢進士第以辭章自名

景龍末為諫議大夫昭文館學士初貞觀永徽間虞世

南褚遂良以字顓家後莫能繼稷外祖魏徵家多藏虞

褚書故銳精臨倣結體遒麗遂以書名天下睿宗時封

晉國公歷太子少保禮部尚書

唐書本傳

薛稷好古博雅尤工隸書

舊唐書本傳

薛稷書學褚公尤高綺麗媚好膚肉得師之半矣可謂

河南之高足甚為時所珍

書斷

薛稷書師褚河南時稱買褚得薛不失其節

朱景玄唐

朝名畫錄

薛稷於書得歐虞褚陸遺墨至備故於法可據

廣川書

跋

韋嗣立拜中書令蘇瓌署官告蘇頲為之詞薛稷書時

謂三絕

唐詩紀事

薛稷書慧普寺三字方徑三尺筆畫雄健在通泉壽聖

寺聚古堂

輿地紀勝

杜甫觀薛稷少保書畫壁詩云仰看垂露姿不崩亦不

騫鬱鬱三大字蛟龍炭相纏

杜工部集

少保傳李北海邕與賀監知章同鳴開元之間

解縉書

學傳授

鍾紹京

鍾紹京

贛州志云  
字可大

虔州贛人也

紹京楊陞碑  
自題曰潁川

初為司農

錄事以工書直鳳閣則天時明堂門額九鼎之銘及諸  
宮殿門榜皆紹京所題景龍中拜中書令封越國公後  
為少詹事年八十餘卒

舊唐書本傳

紹京碑師薛稷

東觀餘論

紹京嗜書畫如王羲之王獻之褚遂良真蹟藏家者至

數十百卷然自書微怯不足逮前輩云

墨池編

張昌宗搜訪天下圖書以紹京妙識古今奏請直祕書  
寶匣竒蹟莫不徧覽明皇在藩邸愛重其書

書史會要

### 王知敬

王知敬懷州河內人善書隸武后時仕為麟臺少監

唐

書王友貞傳

知敬善署書與仲容齊肩天后詔一人署一寺額仲容

題資聖知敬題清禪俱為獨絕

述書賦注

知敬工草及行尤善章草入能膚骨兼有戈戟足以自

衛毛翮足以飛翻若冀大略宏圖摩霄殄寇則未奇也

書斷

知敬善隸草行評者謂如麒麟將騰鸞鳳欲翥

墨池編

王知慎

王知慎

見畫家傳

官少府監工書畫與兄知敬齊名歷代名

畫記

王友貞

王友貞

知敬子

少為司經局正字歷長水令罷歸中宗詔

為司議郎不就神龍初以太子中舍人徵固辭疾玄宗  
在東宮以蒲車召不至卒贈銀青光祿大夫

唐書本傳

書家父子最著者唐王知敬子友貞

王鏊震澤集

### 王玄宗

王玄宗琅邪人紹宗兄隱嵩山號太和先生傳黃老術

唐書本傳

唐法師王先生碑乾封二年于敬之撰王玄宗正書

金

石錄



王紹宗

王紹宗字承烈江都人

竇蒙云修禮子

少貧俠嗜學工草隸客

居僧坊寫書取庸自給凡三十年庸足給一月即止不

取贏武后召擢太子文學累進祕書少監紹宗雅修飾

當時公卿莫不慕悅其風

唐書本傳

紹宗中年小真書體象尤異行草及章草次於真曾謂

所親曰自恨不能專有功褚雖已過陸猶未及

書斷

王嗣宗

王嗣宗紹宗兄亦善書

書斷

唐推

唐推師王紹宗

書史會要

盧藏用

盧藏用字子潛幽州范陽人能屬文舉進士不得調與  
兄徵明偕隱終南少室二山長安中召授左拾遺歷尚  
書右丞藏用工草隸大小篆八分士貴其多能

唐書本  
傳

藏用書幼尚孫草晚師逸少八分有規矩之法

書斷

劉允濟

劉允濟字允濟河南鞏人少孤事母尤孝工文辭與王勃齊名累遷左史兼直弘文館武后明堂成奏賦述功德手詔褒咨除著作郎終修文館學士

唐書本傳

杜甫寄劉峽州伯華使君詩云家聲同令聞時論以儒稱太后當朝肅多才接迹昇又云學並盧王敏書偕褚薛能老兄真不墜小子獨無承允濟與王勃早齊名又

與膳部同事天后知為允濟無疑

杜詩箋注

### 尹元凱

尹元凱瀛州樂壽人由慈州司倉參軍坐事免棲遲不出者三十年與張說盧藏用厚詔起為右補闕

唐書本

傳

唐美原神泉詩并序垂拱四年篆書云雲陽主簿明臺子徐彥伯字光序裕明子河東尹元凱字械左司郎中溫翁念字敬祖天官員外郎李通字至遠各詩一首五

言十二句其額曰大唐裕明子書

金石文字記

薛曜

薛曜

武后時人嵩山石涼詩云奉宸大夫汾陰縣開國男

武后三教珠英張昌宗

李嶠崔湜閻朝隱徐彥伯張說沈佺期宋之問富嘉謨

喬品員半千薛曜等撰

唐書藝文志

偽周封祀壇碑登封元年武三思撰薛曜正書

金石錄

楊庭

楊庭

武后時人

為時經生作字得楷法之妙長壽間一時為

流輩推許

宣和書譜

賈膺福

賈膺福曹州宛句人懷州刺史敦實子先天中歷左散

騎常侍弘文館學士

舊唐書本傳

周大雲寺碑賈膺福撰并八分書其筆法精妙後又得唐修封禪記賈膺福撰并正書字為小楷尤工妙可喜

金石錄

薛昌容 李元振

薛昌容李元振

與賈膺福同時

武后鑄九州鼎圖寫山川物產

之象命工書人著作郎賈膺福殿中丞薛昌容鳳閣主

事李元振司農錄事鍾紹京分題之

舊唐書禮儀志

李敬

李敬趙郡人蘇州刺史應子

唐書宰相世系表

唐介休令張君清德碑永昌元年李愿撰李敬八分書

金石錄

唐奉一

唐奉一齊州人善書翰武后時為侍御史

御史臺記  
唐書武后紀

云久視元年三月夏官尚  
書唐奉一為天兵大總管

唐中興聖教序碑中宗為三藏法師義淨所作唐奉一

書刻石在濟南長清縣四禪寺

金石錄

### 李思訓

李思訓宗室也

詳見畫  
家傳

書畫稱一時之妙官至左武衛

大將軍

歷代名畫記

### 尹守貞



尹守貞天水冀人蓋好學博古者也能誦古史百家之言文章草隸之則元元本本不舍晝夜垂拱四年以明經高第長安初授四門助教

文苑英華

党復

党復

武后時人

唐豫州狄梁公感德頌党復書

墨池編

嚴政

嚴政

武后時人

東蜀牛頭山下有閭丘均撰瑞聖寺磨崖碑

嚴政書

杜詩注

李承福

李承福

時天后

唐長子智乘院碑鄭王文學阮立德撰李

承福書

廣川書跋

李思惲

李思惲

時武后

唐齊州刺史封公德政頌李迴秀撰李思

惲行書

金石錄

蕭懷素

蕭懷素

時武后

偽周懷州大雲寺碑陰記蕭懷素正書

金

石錄

房晉

房晉

武后時人光宅元年房晉詞標文苑科策見文苑英華

唐要柵湫神祠碑房

晉書

墨池編

劉玄明

劉玄明

武后時人

唐武強縣令梁君德政碑垂拱元年劉玄

明正書

金石錄

鞠處信

鞠處信

武后時人

唐中山法果寺碑垂拱二年姚璿撰鞠處

信正書

金石錄

鄭莊

鄭莊

武后時人

唐澤王府主簿梁府君并夫人唐氏墓誌銘

垂拱四年四品孫義陽朱賓撰五品孫榮陽鄭莊正書

金石文字記

劉翊

劉翊

武后時人

偽周化善寺石井碑天授二年劉翊行書

金

石錄

馬元貞

馬元貞

武后時人

漢史晨饗孔廟後碑有武后天授二年馬

元貞題名

金石文字記

楊楚材

楊楚材

武后時人

偽周冠軍大將軍楊公碑長壽元年蘇味

道撰姪楚材正書

金石錄

杜行均

杜行均

武后時人

偽周王仁恭祭嶽頌長壽二年嚴後撰序

邢靈均頌杜行均八分書

金石錄

蕭令臣

蕭令臣

武后時人

偽周濮州長史蕭府君碑大足元年員半

千撰次子令臣正書

金石錄

韓懷信

韓懷信

武后時人

偽周栖巖寺詩長安二年高宗則天撰韓

懷信正書

金石錄

劉濟物

劉濟物

武后時人

偽周堯廟碑盧永慶撰劉濟物正書

金石

錄

孫希弼

孫希弼

武后時人

偽周晉州長安韋公碑長安三年楊炯撰

孫希弼八分書

金石錄

范元愬

范元愬

武后時人

偽周司刑寺佛蹟碑長安三年前碑閣朝

隱撰范元愬正書

金石錄

吳守劼

吳守劼

武后時人

偽周司刑寺佛蹟碑長安三年後碑范元

愬撰吳守劼八分書

金石錄

段元述

段元述

武后時人

偽周寇法師道德銘長安三年王道珪撰

段元述正書

金石錄

韓景陽



韓景陽

武后時人

偽周東鎮沂山塲碑長安四年房晉撰韓

景陽八分書

金石錄

孫去煩

孫去煩

武后時人

唐百門陂碑銘長安四年辛怡諫文張元

琮記孫去煩行書

金石表

袁元愬

墨池編作  
袁元哲

袁元愬

武后時人

偽周整法師龍門石龕像碑僧波崙撰袁

元愬正書

金石錄

王知恭

王知恭

武后時人

唐天后御製詩王知恭書

金石略

李巖

李巖趙州高邑人中宗時授右宗衛兵曹參軍累遷諫

議大夫封贊皇縣伯終兵部侍郎巖善草隸

唐書本傳

崔液

崔液字潤甫定州安喜人工五言詩官至殿中侍御史

唐書崔仁師傳

宋樓鑰跋李少陵修禊詩序云唐文皇之賜韓王有崔潤甫之題若李重光撥鐙書無能效之者

樓鑰攻媿集

劉昇

一作升

劉昇徐州彭城人景雲中授右武衛騎曹參軍開元中

累遷中書舍人太子右庶子昇能文善草隸

唐書本傳

唐華嶽精享昭應碑開元八年華陰主簿咸廩撰殿中

侍御史劉昇八分書

金石文字記

元希聲

元希聲河南洛陽人

宰相世系表云隋兵部尚書巖曾孫

三歲便善草隸

書客有聞而謬之者公援豪立就動有楷則當時目曰

神童舉進士徵拜司禮博士擢吏部侍郎景龍元年終

文苑英華

### 徐師道

徐師道字太真會稽人

浩之祖

少有至行不干仕進裴行

儉辟賓幕授九隴尉棄官歸隱及終謚曰文行先生師

道精於翰墨

墨池編

唐徐浩古蹟記云臣先祖故益州九隴縣尉贈吏部侍郎師道臣先考故洺州刺史贈左常侍嶠之真行草皆名冠古今無與為比

法書要錄

徐嶠之

徐嶠之字惟嶽

師道子  
浩之父

純孝積學狄梁公魏齊公姚梁

公交辟之嘗面誚張易之而佐佑五王迎立中宗歷趙湖洛州刺史正書行書道媚有楷法嘗進書六體手詔答曰卿進書甚可觀覽迴鸞顧鵲墜露凝雲雖古人臨

池懸帳之妙何以過此賜物四十段旌之

墨池編

唐永豐陂堰頌開元七年徐嶠之撰并八分書高行先生徐公碑開元十一年姚奕撰序賀知章銘徐嶠之正

書金石錄

唐從心

唐從心涼州人殿中監

唐書宰相世系表

秦州都督唐宗碑神龍二年岑義撰族孫從心正書

金

石錄

于經野

于經野京兆高陵人敏同子戶部侍郎

唐詩紀事云中  
宗時為戶部尚

書

唐書宰相世系表

唐延安縣幽堂碑王光庭撰于經野正書

金石錄

韋同

韋同京兆杜陵人洪州都督唐書宰相世系表

唐沙州司馬楊榮碑神龍二年元伯儀撰韋同八分書

金石錄

李涉

李涉

時中宗人

唐杭州龍興寺碑景龍四年盧季珣撰李涉

八分書

金石錄

郭謙光

郭謙光

時中宗人

唐崔敬嗣碑景龍二年胡皓撰郭謙光書

其字畫筆法不減韓蔡李史四家而名獨不著

集古錄

楊略

楊略

時中宗人

唐立後周宇文舉碑盧思道撰神龍二年楊



略正書 金石錄

韓覃

韓覃

集古錄云幽林思廬山林數人韓覃撰

唐大行禪師玄德幢銘韓覃

撰并行書 金石錄

平授

平授

燕國薊人

常州刺史平貞春少子八分之妙獨善當時

張燕公集

鄭萬鈞

鄭萬鈞

睿宗時人唐書諸公主列傳代國公主名華字華婉下嫁鄭萬鈞

張說般若心

經贊序云祕書少監駙馬都尉熒陽鄭萬鈞深藝之士也學有傳癖書成草聖乃揮灑手翰鐫刻心經道存文

字意齊天壤國老張說聞而嘉焉

唐文粹

唐代國長公主碑開元二十二年公主壻鄭萬鈞撰并

行書

金石錄

劉欽旦

劉欽旦

睿宗時人

唐比丘尼法琬碑景龍三年僧承遠撰劉

欽旦楷書

金石表

施楚玉

施楚玉

睿宗時人

唐王陰二真君碑景雲二年李虎之撰施

楚玉正書

金石錄

甯思道

甯思道

睿宗時人

唐易州雲居寺石浮屠銘景雲二年甯思

道書

金石文字記

殷子陽

殷子陽

時人

唐大雲寺石燈臺頌景雲二年景初陽撰

殷子陽八分書

金石錄

儲伯陽

儲伯陽

時人

唐王陰二真君碑景雲二年李吉甫撰儲

伯陽行書

金石錄

楊幽經

楊幽經

時人

唐茅山崇元觀碑楊幽經書

金石略

虞集崇壽觀

碑云晉洞天觀唐貞觀初改崇元觀有太極元年所樹碑石完而文泯可識者左拾遺孫處玄文楊幽經書數

字而已

權瓌

權瓌

睿宗時人

唐楊乾緒碑先天元年褚琇撰權瓌八分書

金石錄

殷玄祚

殷玄祚

睿宗時人

唐契苾明碑先天元年婁師德撰殷玄祚

楷書

金石表

王崇敬

王崇敬

睿宗時人

唐同州河瀆紀瑞頌先天元年崔禹錫撰

王崇敬八分書

金石錄

馮敦直


馮敦直

睿宗時人

唐馮本碑先天元年閩朝隱撰子敦直八

分書

金石表



御定佩文齋書畫譜卷二十六